

四庫全書

史部

欽定四庫全書

史部

明集禮卷三十一至

詳校官監察御史_臣劉芬

編修臣程嘉謨覆勘

總校官知縣_臣楊懋珩

校對官中書_臣李荃

謄錄監生_臣王焜

欽定四庫全書

明集禮卷三十一

賓禮二

蕃使朝貢

總序

周禮四方之使者至大客則儔小客則受其幣而聽其辭小客謂蕃國之使臣也蕃國之使皆夷人不習其禮故直聽其辭而已武王克商通道九夷八蠻西旅越裳

肅慎洋水等國重譯來獻皆受其贄而聽其辭漢自貳
師將軍伐大宛之後其西域則屬賓大宛烏孫康居車
師莎車鄯善疏勒烏弋焉耆條支安息蒙奇兜勒于闐
等三十六國皆內屬貢獻其南越則尉佗匈奴則五單
于東夷則高句驪濊貊倭韓夫餘西南夷則哀牢儋耳
焦僥槃木白狼動粘等國前後來獻皆享勞以遺遣之
唐蕃使貢獻其宴見之禮有四曰迎勞曰戒見曰受蕃
使表及幣曰皇帝宴蕃國使其西域則屬賓吐蕃于闐

康國回鶻吐谷渾堅昆俱蘭摩揭佉南蠻則林邑真臘
訶陵昆明處月牂柯東謝東夷則高麗百濟新羅日本
以及伊吾高昌焉耆鐵勒靺鞨勃律南詔朱波等國皆
遣使貢獻方物其宴饗賜予各有等差宋蕃國使至宴
見於紫宸殿及崇政殿迎勞戒見宴饗之儀皆與唐同
自太祖以來高麗定安女真龜茲于闐高昌天竺占城
三佛齊交趾大食回鶻皆入貢獻自後勃泥波斯日本
閩婆吐蕃牂柯蒲端注輦喃羅佛泥拂菻大理真臘

婆羅等國皆貢方物其賜予宴饗有加元自太祖時畏
吾兒四鵬西夏西域高麗皆遣使入貢世祖以後安南
占城雲南金齒緬國大理拂郎等國亦皆遣使貢獻國
朝洪武二年占城國遣陪臣虎都蠻來貢高麗遣陪臣
禮部尚書洪尚載安南遣陪臣同時敏等皆貢方物既
至有司奏聞出國門以迎勞擇日進表幣方物於奉天
殿畢進箋及方物於中宮東宮上位遣官於會同館賜
宴畢東宮復遣官禮待省府臺皆有宴將還遣使勞送

出境如或常朝則中書接受表箋方物次日使者隨班
入凡其宴賜上位東宮取旨禮待今具其儀作蕃使朝
貢篇

迎勞

唐外夷入貢則遣使者以束帛迎勞于郊使者至館次
蕃使出迎於館門外既入使者稱有制蕃使北面再拜
使者宣制訖蕃使進受幣又再拜使者既出蕃使復揖
使者入以土物饋使者再拜受蕃使亦再拜宋蕃使來

貢則有接伴使既至又設館伴使以宴勞之國朝蕃使
朝貢至龍江驛禮部奏聞先遣舍人接伴次遣應天府
同知迎勞既入又遣禮部侍郎宴勞于會同館

冠服

漢蕃使朝貢皆服其國服不見天子受朝之儀唐受蕃
使朝貢天子服通天冠絳紗袍蕃使皆服國服宋與唐
同但錫宴則皇帝服靴袍蕃使服所賜衣帶國朝蕃使
於奉天殿朝見皇帝服通天冠絳紗袍蕃使依品服朝

服行禮文武百官朝服侍立進見東宮皇太子常服蕃使服其國服行禮文武官公服侍班

陳設

唐蕃使來貢前一日尚舍奉御設御幄於所御之殿南向守宮設使者次於門外太樂令展宮懸於殿庭設舉麾位於上下

若大蕃中使及中蕃大使以下則不設樂及黃麾仗

尚舍奉御鋪使

者牀座於御座西南設不升殿者坐席於西廊下俱東西北上典儀設使者位於懸南重行北向東上設典儀

贊者位於懸之東北諸衛各勒所部列黃麾半仗屯門
及陳於殿庭宋遼使來朝殿中監率其屬尚舍張設紫
宸殿門之內設御座於殿上當中南向尚醞設御酒尊
酒器於殿上御座之東尚食設御茶牀於御座之西俱
稍北有司設羣官酒尊酒器於殿下尚輦陳輿輦於紫
宸殿東西朶殿繖扇於階下尚書兵部列黃麾角仗及
殿中細仗於紫宸殿元蕃使朝貢於正旦聖節大朝會
之日隨班行禮國朝陳設見受蕃使進貢儀注

儀仗

唐大蕃大使朝見設供奉仗散手仗於殿上又設黃麾半仗屯門其中蕃大使大蕃中使朝見則不設黃麾仗宋遼使朝見設黃麾角仗及殿中細仗其夏國高麗交州宜州等使皆不設黃麾仗國朝蕃使朝貢其初歸附則於奉天殿丹陛丹墀設黃麾仗奉天門午門陳設旗仗如蕃王朝見之儀其每歲常朝則止隨班行禮止設常儀傘扇校椅之類不設丹墀丹陛奉天門午門旗仗

之儀

班位

周蕃使不朝見漢公卿百官相賀畢蠻貊羌人以次朝貢唐蕃使朝見拜位於樂懸之南其正旦隨班則東方南方便客於東方朝集使之南每國異位重行西面北上西方北方便客於西方朝集使之南東面北上宋蕃使朝見其班在節度使之南正旦隨班則契丹使在龍墀之上少西夏國使在宮架之東夏國從人次之高麗

使在宮架之西高麗從人次之國朝蕃使人貢拜位在丹墀中道之東西其遇正至聖節則隨班行禮位在文官拜位之東如諸國畢至則以大小序位諸執事位詳見于受蕃使朝見儀注

執事

唐受蕃使表幣之日其執事則尚舍奉御設御座守宮設使者次太樂令設樂協律郎偃麾舉麾典儀掌禮贊者掌唱禮符寶郎掌奉寶通事舍人掌行禮侍中奏外

辦中書侍郎掌書奏令史持案舍人承制有司受幣馬
宋殿中監尚舍奉御設御座太樂令設樂尚醞設酒尚
食設食協律郎偃麾舉麾大司樂押樂典儀掌禮贊者
唱禮東上閣門官掌引禮內侍進班齊牌符寶郎掌奉
寶舍人贊起居舍人奏外辦知客省事接書傳制舍人
引文武班國朝陳御座香案內史一人設寶案尚寶司
官一人導駕侍儀六人奏外辦一人執中嚴外辦牌舍
人一人承制官一人宣表官一人展表官二人讀方物

狀官一人舉表案及方物案若干人殿前班指揮使三人侍從班光祿寺官三人殿前拱衛指揮二人通贊贊禮各一人知班二人典儀二人內贊二人引蕃使舍人二人引文武班舍人四人設版位拜席舍人二人丹墀上宿衛鎮撫二人護衛千戶八人丹墀下護衛千戶二十四人殿上擎執內使八人典牧所掌仗馬二人丹墀南五輅輦士四十人殿上將軍二人殿門左右將軍六人丹陛上天武將軍四人奉天門將軍六人鳴鞭四人

司辰一人鷄唱一人殿前擎執掌扇等儀十六人丹墀
東西擎執節幢等儀九十人丹陛東西擎執麾蓋等儀
九十人控仗馬十二人和聲郎二人協律郎二人樂工
六十四人奉天門外中道擎執旗仗十七人左右擎執
旗仗三百二十人控象十二人舉虎豹輿士二十四人
午門外軍士若干人

樂舞

唐武德八年占城遣使獻方物高祖為設九部樂以宴

樂之自後凡大蕃大使為設樂次蕃大使及大蕃中使
以下皆不設樂宋契丹女真等使來聘其朝見皆設樂
懸西夏高麗交州宜州及海外蕃客等使朝見皆不設
樂懸國朝高麗安南占城等使朝貢皆於奉天殿設大
樂以見之其錫宴則間用大樂細樂及舞隊

貢獻

黃帝時南夷采白鹿來獻邕帝舜時西王母來獻白環
白琯夏禹之時渠搜來獻珍裘武王克商西旅獻獒洋

水獻名馬肅慎氏貢楛矢石砮周室既寧八方各以其
職來獻作王會漢南粵獻白璧一雙翠鳥千犀角十紫
貝五百桂蠹一器生翠四十雙孔雀二雙武帝時西域
獻吉光表光武建武十三年日南獻白雉白兔章帝元
和元年日南獻生犀白雉和帝章和二年安息遣使獻
獅子扶拔永元十三年安息國獻獅子及條支大爵順
帝陽和元年疏勒獻獅子封牛唐武德二年罽賓遣使
貢寶帶金瑱水晶瑊玻璃狀若酸棗四年百濟遣使獻

果下馬貞觀四年林邑獻馴象鏐瑱五色帶朝霞布火
珠八年又遣使者獻五色鸚鵡二十一年詔所司錄遠
夷所貢方物葉護獻蒲萄摩伽獻菩提木康國獻金桃
伽國獻鬱金香罽賓獻俱物頭花加失畢獻鉢羅花達
國獻佛土菜婆羅國獻波稜鮮菜苦菜胡片渾提葱薛
延陀獻拔蘭鹿突厥獻馬蹄羊波斯國獻活褥蛇咄陸
獻金卵鷄殼胡國獻石蜜西域獻蒲萄酒高昌獻玄狐
表康國獻獅子百濟獻鐵甲雕斧宋建隆元年占城以

犀角象齒來貢表章書于貝多葉乾德四年貢犀象白
氍自後三佛齊獻獅子象牙孔雀鳳四鶻獻珠玉貂皮
素駝名馬于闐貢玉圭及玉鞍勒轡玉帶高麗獻錦罽
刀劍漆甲白氍高昌貢佛牙琉璃器玉琰虎珀琰大食
貢象齒錦綉琉璃鍾邛州貢文犀名馬犀角象齒羆羊
封牛交趾獻黃金器明珠沉香翠羽綾絹馬十象十契
丹獻御衣名馬白鶻金玉帶玉鞍勒馬金銀飾戎仗馬
百匹龜茲貢玉勒名馬獨峯索駝寶刀玻璃器闍婆貢

象齒珠貝白鸚鵡河西獻名馬蒲端以金版鐫表貢丁
香白龍腦瑋瑁紅鸚鵡宋安南貢金器朱砂紅綠錦光
香象齒犀角玳瑁甲緬國貢象占城貢犀象海羊獐虎
豹皮真珠雞金雞迦藍木大理金齒雲南貢毡弓虎豹
皮爪哇進象黑虎金絲猿走獸鵝鵠番雞金器白鸚鵡
白鼠野牛野人耽羅貢騾馬國朝高麗國貢上位方物
鞍子黃紵絲黑麻布白紵絲簾蓆方蓆別紋踏蓆同紋
踏蓆滿花寢蓆人參豹皮中宮方物黃紵絲白紵絲粉

紅布滿花寢席方紋上蓆同紋踏蓆方蓆東宮方物鞍
子白紵絲黃紵絲黑麻布簾蓆方蓆別紋上蓆同紋踏
蓆豹皮人參安南國貢銀表函金酒瓶金盃盤金斚羅
銀斚羅生辰砂紅綠錦光香象牙玳瑁甲犀角木綿纓
絲他倫皮藤蓆山苧蓆椰殼檳榔核黃屑黃藤南紙占
城貢虎象

錫宴

自漢有宴蕃使之禮凡四夷朝賀天子命大會勞饗武

帝大始三年設酒池肉林饗四夷之客唐蕃國使至賜宴於紫宸殿使者坐於御座西南不升殿者坐於西廊下使者服其國服再拜就座飲酒設庶羞進食作樂及文武二舞每皇帝飲酒諸蕃使皆興避位飲畢乃就座宋蕃國使至賜宴於紫宸殿使者坐於御座之西南東向不升殿者坐於廊下使者服所賜衣服再拜就座酒五行食五品作樂其夏國高麗交州宜州等使則賜酒食不設宴國朝蕃使朝貢皇帝遣禮部侍郎錫宴于會

同館皇太子錫宴則遣官官禮待之俱酒七行食五品作大樂細樂陳雜戲省府臺皆置酒宴會酒五行食五品作樂不陳雜戲

賜予

周越裳來貢周公賜以文錦二匹駟車五乘漢建武十七年莎車王賢遣使貢獻賜賢車旗黃金錦繡二十八年單于遣使貢馬及裘因請音樂賜以弓劔曰單于國未安方厲武節以戰攻為務竽瑟之用不如良弓利劔

三十一年北匈奴復遣使來貢賜以繒綵左賢王莫立
遺冠幘絳單衣三襲童子佩刀緄帶各一又賜繒綵四
十匹唐貞觀中百濟來貢賜帛段三千開元八年天竺
來獻帝以錦袍魚袋賜之十四年大食遣使獻方物賜
緋袍銀帶天寶中拔悉蜜遣使入謝玄宗賜錦文袍金
鈿帶宋建隆三年三佛齊遣使朝貢賜以冠帶器幣使
還又賜以錦綵銀器咸平二年邛州蠻入貢賜以錦袍
襲衣冠帶器幣四年龜茲來貢賜以暈錦衣金帶景德

四年瓜沙貢名馬賜以錦袍金帶乾道四年占城貢方
物賜以錦綾羅銀器元世祖至元三年百濟遣其臣梁
浩來朝賜以錦繡有差六年高麗國王王植遣其世子
慊來朝賜植玉帶一慊金五十兩今擬國朝隨時取旨
各若干

迎勞儀注

蕃使至龍江驛驛令具某國遣使者姓某名某及從人
名數詣應天府報知應天府官稟知中書省及禮部禮

部奏聞遣侍儀舍人二人接伴遣應天府同知龍江驛
禮待前期館人陳設蕃使及應天府官座次於正廳賓
左主右中設酒案及食案應天府官至館館人入告蕃
使接伴舍人引蕃使出迎於館門之外贊引引應天府
官與蕃使俱入蕃使升自西階應天府官升自東階至
廳蕃使東向立府官西向立贊引唱鞠躬拜興拜興平
身蕃使與應天府官皆鞠躬拜興拜興平身應天府官
進詣蕃使前致禮待之意畢贊引引蕃使與府官各就

位坐執事者各舉食案進供於蕃使及府官之前執事者斟酒及進食凡酒五行食三品宴畢贊禮引蕃使送應天府官出蕃使自西應天府官由東出至館門外蕃使入明旦應天府官請使者出館俱上馬蕃使行近右應天府官行近左從人後從至會同館下馬接待舍人引蕃使由西而入應天府官由東而入至次訖報知中書省中書省奏知命禮部侍郎至會同館禮待其陳設位次食品一如前儀宴畢接待舍人引蕃使及禮部侍

郎出蕃使降自西階禮部侍郎降自東階出館門外使者還館

受蕃國來附遣使進貢儀注

前期侍儀司引蕃使天界寺習儀三日擇日朝見前一日內使監設御座香案於奉天殿中尚寶卿設寶案於御座前侍儀司設表案於丹墀中道之北及殿上正中設方物位于表箋案之南中道之東西舉方物案執事位于方物案之左右設使者位于中道之東西方物案

之南北向設通事位于使者位之西北向設文武官侍
立位于丹墀之北東西相向設受表兼宣表官受方物
兼宣方物官位及展表官位于表案之西東向設承制
官位于殿內西向及使者之北設典儀二人位于丹陛
上東西相向設知班位于丹墀之北東西相向設贊禮
位于知班之北東西相向設內贊二人位于殿上東西
相向引使者舍人二人於使者拜位之西東向引文武
官舍人四人於文武班之北稍後東西相向侍從班起

居注殿中侍御史尚寶卿位于殿上西向指揮司懸刀
武官位于殿上東向拱衛司官位于奉天門之左右東
西相向典牧所官位于仗馬之前東西相向宿衛鎮撫
位于丹陛東西階下東西相向護衛百戶二十四員於
宿衛鎮撫之南稍後東西相向護衛千戶八員於殿東
西門之左右東西相向將軍二人於殿上東西相向天
武將軍四人於丹陛上之四隅東西相向將軍六人於
奉天殿門之左右東西相向將軍六人於奉天門之左

右東西相向是日金吾衛陳設甲士於午門外之東西
列旗仗於奉天門外之東西拱衛司陳儀仗於丹陛上
及丹墀之東西陳五輅於丹陛之南典牧所陳仗馬於
文武樓之南東西相向陳虎豹於奉天門外和聲郎陳
樂於丹墀諸蕃使拜位之南擊鼓初嚴侍儀舍人入陳
拜席引班引文武百官各具朝服次嚴引班引文武百
官齋班於午門外東西相向以北為上禮部執事以方
物各置于案各執事俱入就位諸侍衛官各服其器服

及尚寶卿侍從官入詣謹身殿奉迎引班引使者服朝服奉表執事者舁方物前行使者朝服後從由午門入就金水西橋入西掖門至丹墀西東向序立擊鼓三嚴引班引文武官入就侍立位侍儀版奏外辦御用監跪奏皇帝服皮弁御輿以出尚寶卿捧寶及侍儀侍衛導從如常儀皇帝將出仗動樂作陞御座樂止尚寶卿置寶於案鳴鞭鷄唱報時訖引禮引使者置表於案就位北向立執事者舁方物入就位退立於左右知班唱班

齊訖贊禮唱鞠躬拜興拜興拜興平身使者及衆

使者皆鞠躬

樂作

拜興拜興拜興平身

樂止

贊禮

唱進表引禮引使者詣表案前贊禮唱跪使者及衆使
者皆跪唱進表使者跪取表函捧進于受表官受表官
受表進方物狀者跪取方物狀授于受方物狀官受方
物狀官受方物狀與受表官展表官由西階陞西門入
至殿庭以表置于案俱退立于西內贊唱宣表宣表官
詣案取表跪宣於殿西展表官同跪展宣訖俯伏興宣

表官以表置于案退立於殿西宣方物狀官詣案取方物狀跪宣于殿西展方物狀官同跪展俯伏興宣方物狀官以方物狀置于案與宣表官展表官由殿西門出復位贊禮唱俯伏興使者及衆使者皆俯伏興平身贊禮唱復位引禮引使者退復位承制官承制自中門出中階降詣使者前稱有制贊禮唱跪使者及衆使者皆跪承制官宣制曰皇帝制問使者來時想爾某國君安好使者答畢贊禮唱俯伏興拜興拜興平身使者及衆

使者皆俯伏興

樂作

拜興拜興平身

樂止

承制官稱有

後制贊禮唱跪使者及衆使者皆跪承制官宣制曰皇

帝又問爾使者遠來勤勞使者答畢贊禮唱俯伏興拜

興拜興平身使者及衆使者皆俯伏興

樂作

拜興拜興

平身

樂止

承制官自西階陞西門入回奏訖復侍立位

贊禮唱鞠躬拜興拜興拜興平身使者及衆使者

皆鞠躬

樂作

拜興拜興拜興拜興平身

樂止

禮部官收

表及方物引使者出侍儀奏禮畢上位駕回

樂作

還宮

樂止引班引文武百官及使者以次出其每歲常朝則於中書省接受表箋方物是日於省門前執事者置方物於案引禮引使者捧表箋由中門入方物隨行至堂上置方物於前丞相興使者捧表箋各至丞相前丞相受表箋各授于執事使者退立於西司壺舉杯者出舉杯者以杯先進於丞相丞相執杯使者跪持酒飲畢退立引禮引使者由西廊出戶部受方物報侍儀司習儀次日各依品從具公服行五拜禮出午門釋服於東宮

行禮

受蕃使每歲常朝儀注

中書省受表箋侍儀司引蕃使於天界寺習儀擇日朝見前一日內使監陳設御座香案于奉天殿如常儀侍儀司設使者位于丹墀中道上之西北向承制官侍立位於殿內之東宣制位於使者之北百官侍立位於丹墀之北東西相向知班二人位於使者之北東西相向贊禮二人位於知班之北東西相向典儀二人位于丹

陞上東西相向引使者二人位於使者之西東向引文武班四人於文武班之北稍後東西相向侍從班位於殿上東西相向文東武西導駕官位於殿內東西相向將軍六人位於奉天門之左右將軍六人位於奉天殿門之左右將軍四人位於丹陛上之四隅將軍二人位於奉天殿內簾前之左右宿衛鎮撫二人位於丹墀東西階下東西相向護衛二十四人位於宿衛鎮撫之南稍後東西相向護衛千戶八員位於殿東西門之左右

拱衛司陳設儀仗於丹墀丹陛之東西鳴鞭四人於丹陛上北向拱衛司光祿寺官侍立位於殿門之左右是日侵晨擊鼓初嚴各執事陳設如儀引班催請使臣及百官各具朝服次嚴執事各入就位引班引百官使者齊班於午門外東西相向三嚴引班引百官入就侍立位引使者入立於丹墀之西導駕官入謹身殿奉迎侍儀奏外辦御用監官跪奏皇帝具通天冠絳紗袍侍從導引出宮

樂作

陞御座

樂止

捲簾鳴鞭報時訖引班引

使者入就位知班唱班齊贊禮唱鞠躬拜興拜興拜興

拜興平身使者鞠躬

樂作

拜興拜興拜興拜興平身

樂

止承制官前跪承制由中門出中階降至使者前稱有

制贊禮唱

某

等跪聽使者跪承制官宣制曰皇帝制問

使者來時想爾

某

國王

某

安好使者答曰畢贊禮唱俯

伏興拜興拜興平身使者皆俯伏興

樂作

拜興拜興平

身

樂止

承制官稱有後制使者跪承制官宣制曰皇帝

人問爾使介遠來勤勞使者又答畢贊禮唱俯伏興

樂

作拜興拜興平身樂止承制官由西階陞西門入回奏

訖復侍立位贊禮唱鞠躬拜興拜興拜興拜興平身使

者皆鞠躬樂作拜興拜興拜興拜興平身樂止侍儀奏

禮畢上位駕回樂作還宮樂止引班引文武百官及使

者以次出

東宮受蕃國來附遣使進貢儀注每歲常朝
入見儀附

前期內使監設皇太子座于東宮正殿正中設箋案于
丹墀之北稍東及殿上正中設方物案位于箋案之後

設使者位于方物位之後受箋兼宣箋官位于箋案之
西設受方物狀兼宣方物狀官位于宣箋官之南設展
箋官兼展方物狀官位于宣方物狀官之南設百官侍
立位于東宮丹墀東西相向設知班位于使者拜位之
北東西相向設贊禮位于知班之南東西相向設內贊
二人於殿上東西相向設引使者舍人二人位于使者
拜位之西引文武官舍人四人位于文武班之北稍後
東西相向是日侵晨宿衛陳兵仗於東宮門外拱衛司

陳儀仗於東宮丹陛丹墀之東西將軍六人于殿門之
左右和聲郎設樂位于使者拜位之南引禮引文武官
常服入就侍立位引禮引舉方物案執事前行使者常
服後隨入至東宮內門外東向立引進導引皇太子常
服陞殿仗動

樂作

陞座

樂止

引禮引使者入就位北向

立執事者舁方物就位退立於丹墀之西知班唱班齊
贊禮唱鞠躬拜興拜興拜興拜興平身使者及衆使者
皆鞠躬

樂作

拜興拜興拜興拜興平身

樂止

贊禮唱進

箋引禮引進箋使者詣案取箋跪進于受箋官訖進方物使者詣案取方物狀跪進于受方物狀官訖受方物狀官與受箋展箋官俱由西門入于殿庭置于案退立於西內贊唱宣箋受箋官詣案取箋跪讀于殿西展箋官跪展宣訖俯伏興受箋官以箋復于案退立于西受方物狀官詣案取方物狀跪讀于殿西展方物狀官跪展宣訖俯伏興受方物狀官以方物狀復于案與受箋官展箋官由西門出復位贊禮唱俯伏興使者與衆使

者皆俯伏興引禮引使者復位贊禮唱鞠躬拜興拜興

拜興拜興平身使者及衆使者皆鞠躬樂作拜興拜興

拜興拜興平身樂止贊禮唱禮畢引禮引使者出內使

監官收箋文禮物引進啟禮畢導引皇太子還宮樂作

入宮樂止引禮引文武官以次出每歲常朝入見上位

畢出午門釋服於皇太子所坐之所隨班行四拜禮

蕃國遣使來附參見省府臺官儀蕃國遣使每歲常朝入見

附儀

蕃使見東宮畢次日詣中書省叅拜丞相各省官坐都
堂六部主事六曹掾史侍立於左右引禮引蕃使至省
門外執事以所獻書置于案及方物案舉由西偏門入
西階陞使者從行置書案于月臺上之北方物案分陳
于東西使者立于其南贊禮唱鞠躬拜興拜興平身蕃
使鞠躬拜興拜興平身引禮引蕃使詣案取書跪進於
受書執事者使者興復位受書執事捧書至丞相前啟
械丞相閱書畢贊禮唱鞠躬拜興拜興平身蕃使鞠躬

拜興拜興平身禮畢引禮引自西階退執事收方物引
禮引使者詣左司郎中出位南向立蕃使北向立贊禮
唱鞠躬拜興拜興平身蕃使鞠躬拜興拜興平身郎中
皆答拜次詣員外郎以下俱相對再拜答拜訖次詣右
司如左司之儀次日至都督府叅拜都督府官坐府堂
上各衛官屬戎服盛陳兵仗其陳設叅見儀如都省及
叅見經歷司如都省左右司之儀次至御史臺叅見之
禮與叅見省府官同惟不設兵衛其衆衙門相見三品

以下至九品皆再拜答禮其每歲常朝則止於中書省
參見省官行再拜禮

錫宴儀注

東宮錫宴儀同

蕃使進貢及參見畢禮部官奏奉聖旨錫宴於會同館
東宮錫宴則東宮官啟奉令旨前期館人陳設坐次於會同館正廳賓

西主東中設御酒案於正中膳部主客命執事設酒案
及食案於廳之南楹教坊司陳設樂舞於酒案之左右
是日禮部官陳龍亭於午門外光祿寺官取旨捧御酒

置於龍亭儀仗鼓樂前導禮部官光祿寺官乘馬後隨至館門館人入報蕃使出迎於館門之外執事者捧御酒前行引贊引奉旨官從行由中道入至廳上置于案使者自西階升立于西隅奉旨官立于御酒案之東稱有制使者望闕跪聽宣制畢贊禮唱鞠躬拜興拜興平身使者鞠躬拜興拜興平身奉旨官舉杯酌酒授使者飲北面同跪使者飲畢贊禮唱鞠躬拜興拜興平身使者鞠躬拜興拜興平身贊禮引使者及奉旨官各就席

坐執事者舉食案進供于使者及奉旨官之前執壺者

斟酒

樂作

飲畢

樂止

酒七行湯七品上湯擊鼓行酒作

細樂及陳雜戲宴畢使者送奉旨官出至館門外奉旨
官上馬使者入擇日皇太子錫宴陳設食品禮節皆如
前儀

省府臺宴勞儀注

東宮錫宴畢中書省於左司置酒宴勞前期膳部主客
於左司陳設使者及左右司官座次於左司正廳賓西

主東膳部設酒案於廳中教坊司陳樂於左司之左右
左司遣掾史詣會同館請使者赴左司既至左司官降
階出迎使者升自西階左司官升自東階至廳使者東
向立左司官西向立主宴者進詣使者前致禮待之意
畢各就席坐執事者舉食案進供於使者及左司官之
前執壺者斟酒樂作飲畢樂止酒五行湯五品上湯擊
鼓行酒作細樂不陳雜戲宴畢左司官送使者由省西
門出使者上馬左司官入次都督府次御史臺俱於經

厯司禮待其儀與左司同

蕃使陞辭儀注

蕃使將還國禮部奏知戒蕃使某曰陞辭前二日於天

界寺習儀前一日內使監陳設御座香案於奉天殿侍

儀司設蕃使拜位於丹墀中道稍西北向設文武官侍

立位于丹墀之北東西相向承制官位于殿上之東及

宣制位于丹陛上之東南設知班二人位于蕃使之北

設贊禮二人位于知班之北典儀二人位于丹陛上之

南俱東西相向設引蕃使舍人二人位于蕃使之西東
向引文武班舍人四人位于文武班之北稍後東西相
向侍從班位于殿上之東西拱衛指揮光祿寺官位于
殿門前之左右內使擎執八人位于御座前之左右宿
衛鎮撫位于丹陛東西階下護衛百戶二十四人位于
鎮撫之南稍後俱東西相向護衛千戶八人位于殿東
西門之左右將軍二人位于殿上之左右將軍六人位
于殿門之左右將軍四人位于丹陛之四隅將軍六人

位于奉天門之左右俱東西相向鳴鞭四人位于丹陛
上之南是日侵晨金吾衛陳設兵仗於午門外之東西
拱衛司陳儀仗於丹墀丹陛之東西樂工陳樂於丹墀
之南擊鼓初嚴禮部官於午門外以御酒禮物置于案
執事者若干人服窄紅衫舉案捧禮物官具朝服若干
人從入陳案於丹陛上東南如賜詔則設詔書案於禮
物案之北拱衛司用黃蓋
遮覆執事各入就位舍人催文武官及蕃使具朝服擊鼓
次嚴侍儀侍衛入迎車駕舍人引文武官齊班於午門

外之東西引使者立於武官之南東向擊鼓三嚴引班
引文武官入就侍立位引蕃使入立於丹墀之西南侍
儀版奏外辨御用監跪奏皇帝服皮弁服御輿以出侍
儀侍衛導從警蹕如常儀皇帝將出仗動

樂作

陞御座

樂止將軍捲簾鳴鞭鷄唱報時訖引禮引蕃使入就位

贊禮唱鞠躬拜興拜興拜興拜興平身蕃使皆鞠躬

樂

作拜興拜興拜興拜興

樂止

承制官詣御座前跪承制

由殿中門出立於宣制位稱有制贊禮唱

某

等跪聽蕃

使皆跪承制官宣制曰皇帝制諭宣畢贊禮唱俯伏興

拜興拜興拜興拜興平身蕃使皆俯伏興

樂作

拜興拜

興拜興拜興平身

樂止

承制官由殿西門入跪奏云承

制訖復侍立位贊禮唱鞠躬拜興拜興拜興拜興平身

蕃使皆鞠躬

樂作

拜興拜興拜興拜興平身

樂止

贊禮

唱禮畢捧禮物官捧禮物自丹墀中道降由奉天中門

出

如有詔則黃蓋遮覆詔書出

舍人引蕃使由奉天西門出侍儀奏

禮畢皇帝興

樂作

還宮

樂止

引禮引百官以序出捧禮

物官捧禮物至午門付使者行每歲常朝具本品公服隨班行五拜禮

蕃使辭東宮儀注

蕃使每歲常朝儀附

蕃使奉天殿陸辭訖次辭東宮前期内使監設皇太子座于東宮正殿侍儀司設蕃使拜位于殿下稍西設文武官侍立位于庭中東西相向知班二人於使者拜位之北贊禮二人位于知班之北俱東西相向設引使者舍人二人位于使者之西設引文武官舍人四人於文

武班之北稍後東西相向設將軍六人位于殿門之左
右是日宿衛陳兵仗於東宮門外拱衛司陳儀仗於殿
庭之左右樂工陳樂於殿庭之南執事各入就位引禮
引文武官常服入就侍立位引禮引使者及衆使者至
東宮門外西立東向引進導引皇太子常服陞殿

樂作

陞座

樂止

引禮二人引蕃使入就拜位北向立贊禮唱

鞠躬拜興拜興拜興拜興平身蕃使及衆使者皆鞠躬

樂作

拜興拜興拜興拜興平身

樂止

贊禮唱禮畢引禮

引使者退立於西引進啟禮畢皇太子興

樂作

還宮

樂

止引禮引使者出次引文武官以序出每歲常朝辭謝使者常服隨班行四拜禮

勞送出境

蕃使辭東宮畢禮部官率應天府官送出國門之外至龍江驛禮部官還應天府官設宴如初至之儀宴畢應天府官還驛丞送起行

蕃使進
貢之圖

午門外陳設

明集禮卷三十一
三十

甲士軍仗

甲士軍仗

午門

旗仗

旗仗

豹 虎 象 象

豹 虎 象 象

將軍

將軍

將軍

將軍

將軍

將軍

丹墀版位

明集禮卷三十一 三十一

兵部

金路

玉路

象路

木路

仗馬

仗馬

仗馬

典牧官

樂

典牧官

仗馬

仗馬

仗馬

引班

引班

通事

通事

儀使

知班

贊禮

知班

贊禮

前

案物方

案物方

案

司馬

司馬

司馬

位立侍官文

護護護護護護護護護護
衛衛衛衛衛衛衛衛衛衛

撫鎮衛宿

而

撫鎮衛宿

護護護護護護護護護護
衛衛衛衛衛衛衛衛衛衛

位立侍官武

丹陸上版位

明集禮卷三十一 三十三

樂工

典儀

典儀

樂工

天武將軍

天武將軍

鳴鞭

鳴鞭

鳴鞭

鳴鞭

天武將軍

天武將軍

護衛
護衛
護衛
護衛

護衛
護衛
護衛
護衛

扶衛司官

扶衛司官

將軍

將軍

將軍

軍將

軍將

軍將

四三呼吹鼓

四三呼回鼓

殿上版位

明集禮卷三十一 三十四

承制官

起居注給事中侍儀尚書侍從班

承
案

實
案

御座

內使侍立位

內使侍立位

班從侍刀懸官武下以揮指

承制官
承制官
承制官
承制官
承制官

蕃使進貢
東宮之圖

伏兵甲士

伏兵甲士

門

門

門

旗仗

伏旗

門

門

門

殿庭中

樂

班引

班引

知贊

班贊

知班

贊禮

蕃使舞位

案物方

案物方

案

舞

舞

舞

文官侍立

立侍官武

露臺上

執掌尉校

校尉肇執

將軍

將軍

將軍

孫聖

東

軍將

樂 說

宣力 宣力 宣力 宣力

內
贊




内使侍

皇太子座

立侍使内

蕃使每歲常
朝東宮之圖

文官侍從班

樂

班從侍官武

引班

贊班

引禮

引禮

贊班

蕃使拜位

執掌尉校

執掌尉校

將軍

將軍

將軍

將軍

將軍

將軍


內使侍立位

皇太子座

內使侍立位

蕃使見
省官圖

明集禮卷三十一 三十八



欽定四庫全書

明集禮卷三十二

賓禮三

遣使

總序

古者天子於服內諸侯有間問致賵賀慶致禴之禮九州之外未嘗遣使往聘也至漢高帝遣陸賈使南粵賜以印綬孝文之時復遣陸賈奉詔使南粵孝武有事四

夷遣張騫以郎使西域蘇武以中郎將使匈奴自後蕃
國有喪則吊問來聘則報命乞降則授璽綬光武建武
二十六年遣中郎將段郴副校尉王郁使南單于單于
拜伏受詔三十一年單于薨遣中郎將段郴將兵赴弔
弟左賢王莫立遣使賫書鎮慰拜授璽綬和帝永元四
年北匈奴右谷蠡王自為單于款塞乞降遣大將軍左
校尉景夔往授璽綬唐使外國謂之蕃使武德四年
新羅遣使來貢高祖遣散騎侍郎庾文素往使賜以璽

書貞觀十五年尸羅逸多遣使入貢太宗遣衛尉丞李
義表奉勅書報使逸多東面拜受高宗二十年突厥特
勒死詔金吾將軍張玄逸都官郎中呂向賁璽書入蕃
弔祭貞元八年以祠部郎中兼御史中丞袁滋賜南詔
印憲宗元和元年遣鴻臚少卿攝御史中丞李錡為入
蕃使長史兼侍御史吳暉副之宋使外國謂之國信使
太祖開寶八年遣西上閤門使郝崇信使丹契以太常
丞呂端副之自是信使不絕真宗景德二年太常博士

周漸假太府卿右侍禁閣門祇候郭盛假西上閣門使
為契丹國生辰使職方郎中直昭文館韓國華假祕書
丞衣庫副使焦守節假西上閣門使為契丹國母正旦
使祕書丞張若谷假將作監內殿崇班郭允恭假引進
副使為國主正旦使自是歲以為常元太祖六年遣使
至畏吾兒國其主奕都護大喜厚為之禮因遣使納款
世祖中統元年遣禮部郎中益甲員外李俊使安南大
理至元三年遣兵部侍郎黑的使日本二十八年遣禮

部尚書張立道使安南二十九年復遣梁曾陳孚使安
南召使入朝且諭其子入覲國朝混一區宇分遣使者
以柔遠人其高麗安南占城等國皆頒詔往諭復勅使
往授印綬又降香幣以祀其國之山川其柔撫四夷之
意備至今詳著開詔錫印賜予之儀作遣使篇其弔蕃
國喪祀蕃國山川之禮則見於喪禮山川等篇茲不贅
具云

諸蕃國開詔

書附

漢文帝遣陸賈賜南粵王佗書其文曰皇帝謹問南粵王甚苦心勞意朕高皇帝側室之子棄外奉北藩于代道里遼遠壅蔽樸愚未嘗致書高皇帝棄羣臣孝惠皇帝即世高后自臨事不幸有疾日進不衰以故詩暴乎治諸呂為變故亂法不能獨制廼取它姓子為孝惠皇帝嗣賴宗廟之靈功臣之力誅之已畢朕以王侯吏不釋之故不得不立今即位乃者聞王遺將軍隆慮侯書求親昆弟請罷長沙兩將軍朕以王書罷將軍博陽侯

親昆弟在真定者已遣人存問修治先人冢前日聞王發兵於邊為寇災不止當其時長沙苦之南郡尤甚雖王之國庸獨利乎必多殺士卒傷良將吏寡人之妻孤人之子獨人父子得一亡十朕不忍為也朕欲定地犬牙相入者以問吏吏曰高皇帝所以介長沙土也朕不能擅變焉吏曰得王之地不足以為大得王之財不足以為富服領以南王自治之雖然王之號為帝兩帝並立亡一乘之使以通其道是爭也爭而不讓仁者不為

也願與王分棄前患終今以來通使如故故使賈馳諭告王朕意王亦受之毋為寇災矣上褚五十衣中褚三十衣下褚二十衣遺王願王聽樂娛憂存問鄰國南粵王恐頓首願奉詔為藩臣唐武宗遣王會賜回鶻可汗勅書其文曰勅我國家統臨萬宇列塞在陰山之南先可汗總率本部建牙於大漠之北各安土宇二百餘年此天所以限隔中外不可踰越近聞為紇吃斯所敗加以飢荒國邑為墟屍僵道路今可汗稍收離散漸近邊

城將務遠圖先示文誥故茲命使宜聽朕言可汗累代
已來赤誠向國往者中原有難助剪羣兇列聖念功每
加優寵寧國咸安二公主降嫁龍庭爰及先朝復以今
公主繼好又以土無絲纊歲遺繅繒恩禮轉深諸蕃榮
美久保誠信兩絕猜嫌但以國家舊章藩漢殊壤稍踰
經制豈朕所安去歲嗚咄斯特勒已至近界邊將憤激
便請驅除朕每念其無主可歸且令安撫今可汗既立
彼又降附便合率領漸復舊疆漂寓塞垣殊非良計又

得宰相頡干伽思等表借振武一城權與公主可汗居住中國之制與外蕃不同須守前代規模祖宗法度昔漢朝單于乖亂呼韓款塞宣帝送單于出朔方雞鹿塞唯賑以米粟國初太宗皇帝令李思摩建牙於漠南遺跡並存事皆可驗未有深入漢界借以一城與羌渾黨項微小雜種同為百姓實亦屈可汗之尊貴亂中國之舊規若以未復本蕃或欲別遷善地求大國聲援戢諸部交爭亦須率思歸之人且於漠南駐止朕當許公主

朝覲親問事宜儻須應接必無所恡異令彼國從此輯
寧豈不謂去危就安轉禍為福朕緣公主將可汗丹誠
來告深感于衷制置之間須存遠大故遣右金吾衛大
將軍兼御史大夫王會副使宗正少卿兼御史中丞李
師偃馳往喻懷爰定所居更申誓約神明是質豈可食
言可汗宜保一心自求多福王會李師偃至回鶻與申
誓約而還元世祖遣孟甲李文俊諭安南責其未奉王
命詔曰我祖宗以武功創業文化未修朕纂承丕緒鼎

新革故務一萬方遂自庚申歲建元為中統元年誕敷
詔赦次第頒行其不泄邇不忘遠然誠之所在事有未
遑也適大理國守臣安撫聶只陌丁馳駟表聞爾邦向
風慕義之誠及念卿昔在先朝已歸款臣服遠貢方物
故頒詔旨遣禮部郎中孟甲充南諭使禮部員外郎李
文俊充副使諭本國官僚士庶凡衣冠典禮風俗百事
一依本國舊制不須更改高麗國比遣使來請已經下
詔悉依此例除戒飭雲南等處邊將不得擅興兵甲侵

掠疆場擾亂人民外卿國官僚士庶各宜安治如故孟
甲李文俊至安南宣諭詔旨安南世子受詔奉命而還
國朝洪武二年正月遣使賜倭國爪哇西洋占城詔曰
昔帝王之治天下凡日月所照無有遠邇一視同仁故
中國尊安四方得所非有意於臣服之也自元政不綱
天下兵爭者十有七年四方遐遠信好不通朕肇基江
左掃羣雄定華夏臣民推戴已主中國建國號曰大明
改元洪武頃者克平燕城疆宇大同以承正統方與遠

邇相安於無事以共太平之福惟爾四夷君長酋帥等
遐遠未聞故茲詔諭想宜知悉是年六月遣使封安南
國王陳日烱詔曰咨爾安南國王陳日烱惟乃祖父昔
守境於南陲傳之子孫常稱藩於中國克恭臣職以永
世封朕荷天地之靈肅清華夏頃馳書而往報異率土
以咸寧卿能奉表稱臣專使來賀法爾前人之訓以安
遐壤之民睠茲勤誠深可嘉尚是用遣官齎印仍封爾
為安南國王於戲視廣同仁思效哲王之盛典爵超五

等俾承奕世之遺芳益茂令猷永為藩輔今賜卿大統
歷一本金段紗羅四十縑至可領也故茲詔書想宜知
悉是年八月遣使封高麗國王王顥詔曰咨爾高麗國
王王顥世守朝鮮紹前王之令緒恪遵華夏為東土之
名藩當四方之既平嘗專使而往報即陳表貢備悉衷
誠良由素習於文風斯克謹修於臣職允宜嘉尚是用
褒崇今遣使齎印仍封爾為高麗國王凡儀制服用許
從本俗於戲保民社而襲封式遵典禮傳子孫於永世

作鎮邊陲其服訓辭益綬福履今賜大統厯一本錦繡絨段十匹至可領也故茲詔示想宜知悉

賜蕃國印綬

漢建武二十六年賜南匈奴黃金璽縹綬文曰匈奴單于璽北齊四方諸蕃國王之章上藩用中金中藩用下金下藩用銀並方寸龜紐唐德宗賜南詔牟尋印用黃金銀為窠文曰貞元冊南詔印武宗賜契丹印文曰奉國契丹之印宋真宗賜百蠻王印一鈕文曰大渡河

南山前後都鬼主之印元賜吐蕃白蘭王印黃金為之
駝鈕國字篆賜高麗國王印黃金為之龜鈕國字篆並
三寸賜雲南王印銀為之塗以黃金駝鈕漢篆三寸賜
安南國王印黃金為之龜鈕國字篆三寸國朝賜高麗
黃金印龜鈕方三寸文曰高麗國王之印賜安南鍍金
銀印駝鈕方三寸文曰安南國王之印賜占城鍍金銀
印駝鈕方三寸文曰占城國王之印賜吐蕃黃金印駝
鈕方五寸

用周尺

文曰白蘭王印

賜吐蕃國禮物

漢文帝元年遣陸賈賜南粵王上褚五十衣中褚三十

衣下褚二十衣

以綿裝衣曰褚

六年遣使者遺匈奴繡袷綺衣

長襦錦袍各一比疎一

比疎辨髮之飾

黃金飾具帶一黃金犀

毗一

犀毗腰中大帶

繡十匹錦三十匹赤緙綠繒各四十匹建

武二十六年詔賜單于冠帶衣裳黃金璽盭綈綬安車

羽蓋華藻駕駟寶劍弓箭黑節三駙馬二黃金錦繡繒

布絮樂器鼓車棨戟甲兵飲食什器二十八年賜單于

雜繒五百匹弓韃續一矢四發唐貞觀十年賜吐谷渾
以鼓纛開元中遣使賜新羅王瑞文錦五色羅紫繡文
袍金銀器宋至道二年遣使賜交趾玉帶祥符四年賜
蒲端國旗幟鎧甲元世祖至元四年遣使賜高麗國王
王植羊五百五年遣使賜安南國王陳光昺錦繡及其
諸臣有差國朝

迎接

漢光武建武二十六年遣中郎將段郴使單于單于乃

延迎使者使者曰單于當伏拜受詔單于顧望之頃乃
伏稱臣曰單于新立誠慙於左右願使者衆中無相折
也唐貞觀十五年遣衛尉丞李義表奉勅書使尸羅逸
多尸羅逸多遣大臣郊迎傾城縱觀焚香夾道逸多率
其臣下東面拜受元至元二十八年遣禮部尚書張立
道使安南至境安南世子陳日燭遣送者接踵及近郊
百官恭迎詔書既而日燭乘輦以鸞仗就館迎詔羣臣
公服徒行奉隨至明霞閣下日燭與近臣七八人登壽

光殿龍椅前置香案日燭再拜自宣詔旨畢日燭曰恭
覲天詔不勝喜躍願祝皇帝萬歲壽國朝遣使奉詔入
境蕃國先遣官遠接至公館以詔置龍亭中有司備金
鼓儀仗鼓樂以伺次日王率衆官及耆老僧道出迎詔
於國門外其遣使賜予則王率衆官出迎並如接詔之
儀

序坐

漢高祖遣陸賈使南粵賈至尉佗魑結箕踞見賈賈因

說佗曰足下中國人今反天性棄冠帶欲以區區之越與天子抗衡為敵國禍且及身矣於是佗蹶然起坐謝曰居蠻夷中久殊失禮義留賈與飲數月元至元二十六年禮部尚書張立道使安南既至館安南世子陳日煚詣詔書所作禮與立道等相見平揖禮畢其御史大夫杜國計翰長丁拱垣曰往年定禮王南向使者西向請就位立道曰非禮也大國之卿當小國之君拱垣曰王人雖微序於諸侯之上立道曰我為王人遂東西相

向坐接詔畢宴于集賢殿皆東西相向坐國朝遣使至
蕃國與蕃王分賓主相對坐蕃王在西使者在東

遣使開詔儀注

前期翰林院官承旨草詔奏聞訖前一日禮部告百官
於皇城守宿至日鳴鐘後具朝服侍班內使監設御座
香案於奉天殿尚寶卿設寶案於御座之南用寶案於
詔書案之東侍儀司設詔書案於寶案之南設承制官
位于殿上之東及丹陛之東南設使者拜位于丹墀中

道稍西北向典儀二人於丹陛上之南東西相向知班二人位於使者之北東西相向贊禮二人位於知班下之北東西相向設文武百官侍立位于文武樓之北文東武西東西相向文武侍從班于殿上之左右設引文武班舍人四人位于文武官之北東西相向設引使者二人位于使者之北東向拱衛司光祿寺官對立位于奉天門之左右俱東西相向將軍二人位于殿上簾前東西相向將軍六人於奉天門之左右東西相向又將

軍四人於丹陛上之四隅東西相向又將軍六人於奉天殿之左右東西相向鳴鞭四人于丹陛上北向是日金吾衛於午門外陳設甲士軍仗東西相向拱衛司陳設儀仗於丹陛丹墀之東西設遮詔書黃蓋於奉天殿門前和聲郎設樂於丹墀之南侍儀司設龍亭儀仗大樂於午門外正中擊鼓初嚴催班舍人催文武官具朝服導駕官侍從官入迎車駕次嚴引班舍人引文武官入就侍立位引禮引使者具朝服立於丹墀之西以伺

三嚴侍儀奏外辨皇帝通天冠絳紗袍出謹身殿

樂作

尚寶捧寶前導侍從導引如常儀陞奉天殿御座

樂止

尚寶以寶置于案捲簾鳴鞭雞唱報時訖禮部官捧詔

書于寶案前尚寶用寶訖中書省官禮部官同捧至御

座呈奏訖禮部官用黃銷金袂褱詔書置盤中置于案

引禮引使者就丹墀拜位典儀唱鞠躬拜興拜興拜興

拜興平身使者鞠躬

樂作

拜興拜興拜興拜興平身

樂

止承制官進詣御座前跪承制訖由中門出至丹陛上

宣制位承制官稱有制典儀唱跪使者跪承制官宣制

曰皇帝勅使爾

某

奉詔諭

某

爾宜恭承朕命宣制訖

承制官由西門入典儀唱俯伏興平身使者俯伏興平

身典儀唱鞠躬拜興拜興拜興拜興平身使者鞠躬

樂

作拜興拜興拜興拜興平身

樂止

禮部官詣案捧詔由

殿中門出拱衛司擎黃蓋遮護降自中陞至使者位前

以授使者

大樂
改作

使者捧詔書由奉天門中出至午門外

以詔置龍亭中侍儀奏禮畢皇帝興

樂作

還宮

樂止

引

禮引文武官以次出分選各衙門正官一員奉送詔書
出國門外使者貴奉以行

蕃國接詔儀注

使者入蕃國境先遣關人馳報於王王遣官遠接詔書
前期令有司於國門外公館設幄結綵設龍亭於正中
設香案於龍亭之南備金鼓儀仗鼓樂伺候迎引又於
國城內街巷結綵於王宮內設闕庭於殿上正中設香
案於闕庭之前設司香二人於香案之左右設詔使立

位於香案之東設開讀案位於殿陛之東北設蕃王拜
位於殿庭中北向設蕃國衆官拜位於蕃王拜位之南
異位重行北向設捧詔官位於開讀案之北宣詔官位
於捧詔官之南展詔官二人於宣詔官之南俱西向司
禮二人位於蕃王拜位之北東西相向引禮二人位於
司禮之南東西相向引班四人位於衆官拜位之北東
西相向陳儀仗於殿庭之東西設樂位於衆官拜位之
南北向遠接官接見詔書迎至館中安奉於龍亭中遣

使馳報王是日王率國中衆官及耆老僧道出迎於國門外迎接官迎詔書出館至國門金鼓在前次耆老僧道行次衆官具朝服行次王具冕服行次儀仗鼓樂次詔書龍亭使者常服行於龍亭之後迎至宮中金鼓分列於門外之左右耆老僧道分立於庭中之東西置龍亭於殿上正中使者立於龍亭之東引禮引王入就拜位引班引衆官及僧道耆老各入就拜位使者詣前南向立稱有制司贊唱鞠躬拜興拜興拜興拜興平身蕃

王及衆官以下皆鞠躬

樂作

拜興拜興拜興平身

樂止引禮引蕃王由西階陞詣香案前北向立引禮唱

跪蕃王跪司贊唱衆官皆跪衆官以下皆跪引禮唱上

香上香三上香司香捧香跪進于王之左王三上香訖

引禮唱俯伏興平身蕃王及衆官以下皆俯伏興平身

引禮引蕃王復位司贊唱開讀宣詔官展讀官陞案使

者詣龍亭捧詔書授捧詔官捧詔官前受詔捧至開讀

案授宣詔官宣詔官受詔展詔官對展司贊唱跪蕃王

及衆官以下皆跪宣詔官宣詔訖捧詔官於宣詔官前
捧詔書仍置于龍亭司贊唱俯伏興平身蕃王及衆官
以下皆俯伏興平身司贊唱鞠躬拜興拜興拜興
平身蕃王及衆官以下皆鞠躬

樂作

拜興拜興拜興拜

興平身

樂止

司贊唱稽笏鞠躬三舞蹈三拱手加額山

呼萬歲

山呼

萬歲

再山呼

萬歲

出笏俯伏興

樂作

拜

興拜興拜興拜興平身

樂止

禮畢引禮引蕃王退引班

引衆官以次退蕃王及衆官釋服使者以詔書付所司

頒行蕃王與使者分賓主行禮

遣使賜印綬儀注

賜禮物儀同

前期禮部承旨具印文式樣奏聞符下鑄印局鑄完進呈聞奏前一日內使監設御座香案於奉天殿侍儀司設賜印案於丹陛上之東設承制官位于殿上之東及宣制位于丹陛之東南設使者拜位于丹墀中道稍西北向設文武官侍立位于文武樓之北文東武西東西相向侍從班位于殿上之東西拱衛司光祿寺官位于

殿門之左右設典儀位于丹陛上之南東西相向知班二人位于使者之北贊禮二人位于知班之北俱東西相向引使者二人位于使者拜位之北西立東向引文武班舍人位于文武官之北稍後東西相向將軍二人位于殿上簾前東西相向將軍四人位于丹陛上之四隅東西相向將軍六人位于奉天殿門之左右東西相向將軍六人位于奉天門之左右東西相向鳴鞭四人位于丹陛中北向是日宿衛陳兵仗於午門外之東西

拱衛司陳設儀仗於丹陛丹墀之東西和聲郎設樂位
於丹墀使者拜位之南禮部設龍亭儀仗大樂於午門
外擊鼓初嚴催班舍人催百官具朝服執事者入就位
導駕官侍從官入迎車駕次嚴引班引文武百官入就
侍立位引禮引使者入丹墀西立東向禮部官陳設所
賜印于丹陛案上如有禮物設禮物案三嚴侍儀奏外辦皇帝於
謹身殿服皮弁服出樂作侍從導引如常儀皇帝陞奉
天殿御座樂止捲簾鳴鞭雞唱報時訖引禮引使者就

拜位立定贊禮唱鞠躬拜興拜興拜興拜興平身使者

鞠躬

樂作

拜興拜興拜興拜興平身

樂止

承制官就御

座前跪承制訖由中門出至丹陛上宣制位稱有制贊

禮唱跪使者跪承制官宣制曰皇帝勅使爾某授某國

王印爾其恭承朕命

如有賜禮物就宣賜某物

宣制訖承制官由殿

西門入贊禮唱俯伏興平身使者俯伏興平身贊禮唱

鞠躬拜興拜興拜興拜興平身使者鞠躬

樂作

拜興拜

興拜興拜興平身

樂止

禮部官捧印由中陛降以授使

者使者搢笏奉印由奉天殿中門出

如賜禮物則捧禮物出

侍儀

奏禮畢皇帝興

樂作

入宮

樂止

使者以印置于龍亭中

引班引百官以次出各衙門以正官一員設儀仗大樂送印至國門外使者奉印以行

蕃國受印物儀注

使者至蕃國境先遣關人入報蕃王遣官遠接前期有司於國門外公館設幄結綵設龍亭於館之正中備金鼓儀仗鼓吹於館所以伺迎引又於國城內街巷結綵

又於王宮設闕庭於殿上正中設香案於闕庭之前設蕃王受賜予位於香案之前設蕃王拜位於殿庭正中北向衆官拜位於王拜位之南異位重行北向設樂位於衆官拜位之南北向司贊二人於蕃王拜位之北東西相向引禮二人於司贊之南東西相向引班四人於衆官拜位之北東西相向陳儀仗於殿庭之東西遠接官接見使者迎至館所以上賜安奉於龍亭中遣使馳報王是日蕃王率百官出迎於國門外遠接官迎上賜

出館至國門金鼓在前次衆官常服乘馬行次王乘馬
行次儀仗鼓樂次上賜龍亭使者常服乘馬行於龍亭
之後迎至宮中金鼓分列於殿外門之左右衆官分立
殿庭之東西置龍亭於殿上正中使者立於龍亭之東
引禮引蕃王引班引衆官各就拜位立定司贊唱鞠躬
拜興拜興拜興拜興平身蕃王及衆官皆鞠躬樂作拜
興拜興拜興拜興平身樂止引禮引蕃王詣龍亭前使
者稱有制引禮贊跪司贊唱跪蕃王與衆官皆跪使者

宣制曰皇帝勅使_某持印賜爾國王_某并賜_某物宣畢

使者捧所賜印并_某物西向授蕃王蕃王跪受以授左

右訖引禮唱俯伏興平身司贊唱俯伏興平身蕃王及

衆蕃官皆俯伏興平身引禮引蕃王出復位司贊唱鞠

躬拜興拜興拜興拜興平身蕃王及衆官皆鞠躬_{樂作}

拜興拜興拜興拜興平身_{樂止}司贊唱禮畢引禮引蕃

王入殿西立東向使者東立西向引禮唱鞠躬拜興拜

興平身使者與蕃王皆鞠躬拜興拜興平身使者降自

東階蕃王降自西階遣官送使者還館

遣使開詔圖

明集禮卷三十二 二十二

文官侍立位

知班
贊禮

鄧

班班班

班班班
引引引

位立侍官武

引禮
引禮

典儀宣制

鳴贊
鳴贊
鳴贊
鳴贊

典儀

天武

天武

天武

天武

將軍

將軍

將軍

將軍

將軍

將軍

將軍

將軍

四川巡撫

四川巡撫

文官侍立班

尚寶司官

中書省官
禮部官

案寶用

內使侍立

御座

內使侍立

紅傘

紅傘

水制

班立侍官武

蕃國接

詔圖

位
進
省
者

樂

位
進
省
者

位
官
蕃
國

位
官
蕃
國

引
班

引
班

引
班

引
班

位
王
蕃

引
班

引
班

引
禮

司
禮

官
開
讀

展
詔
官

開
讀
官

展
詔
官

宣
詔
官

捧
詔
官

司
香

和
樂

樂
司

詔
使

闕
庭

殿
上

明集禮卷三十二

欽定四庫全書

明集禮卷三十三

軍禮第一

親征篇

總叙

天子親征所以應天順人除殘去暴以安天下自軒轅黃帝習用干戈以征不享戰于阪泉戰于涿鹿此其始也成湯放桀用玄牡告于上天神后啟征有扈則曰用

命賞于祖不用命戮于社武王伐紂載文王木主以行告于皇天后土所過名山大川周制天子親征則類于上帝宜于太社造于祖廟輶于國門禡于所征之地及祭所過山川師還則奏凱獻俘于廟社經秦涉漢其禮無聞僅有封功臣之制可稽耳後魏剋捷欲使天下聞知又有宣露布之制唐仍舊典宋亦間行焉今擬國朝親征祭告天地宗廟社稷禡祭旗纛所過山川皆行祭告師還奏凱獻俘于廟社以露布詔告天下然後論功

行賞諸將既受封賞皆具表箋稱謝今集歷代親征儀
文之詳叅酌今日之宜以著于篇

類于上帝

天子親征類于上帝者謂其禮依郊祀為之故曰類書
舜典有類于上帝之文周出征有類上帝之典北齊之
制皇帝纂嚴服通天冠文物充庭有司奏請更衣乃入
冠武弁出以誓衆擇日陳六軍備大駕類于上帝隋往
征還師並類上帝唐皇帝親征先於太極殿誓百官祭

日纂嚴服武弁乘革輅備大駕六軍類告上帝于園丘
陳牲犢玉幣作樂行一獻禮皇帝飲福受胙衆官皆賜
胙禮畢皇帝改服通天冠絳紗袍垂金輅鼓吹振作還
宮宋皇帝親征遣官奏告天地用酒脯行一獻禮今擬
國朝皇帝親征前期擇日祭告天地服武弁乘革輅備
六軍以牲犢幣帛作樂行三獻之禮其儀見于祀天祀
地篇

造于太廟

周制天子將出征造于禰注造至也至父祖之廟也蓋至廟中受命于祖考而以遷廟之主載于齋車以行如無遷廟之主則以幣帛皮珪告于祖禰遂奉以出行而載于齋車每舍奠焉而後就舍反必告設奠畢歛幣玉藏諸兩階之間乃出蓋貴命也又大師造于祖註云大師者六軍親征之稱出必徧祭七廟取遷廟之主而行梁親征用牲幣告于祖廟北齊親征則天子備法駕乘木輅以造于廟載遷主於齋車隋制親征師還俱有造

廟之典唐皇帝親征齋於太極殿應祭之官齋於廟所
祭日皇帝服武弁乘革輅備六軍造于太廟每室用特
牲玉幣作樂晨裸饋食行一獻之禮皇帝已飲福受胙
衆官皆賜胙禮畢皇帝改服還宮如類上帝之儀凱還
則陳俘馘軍實于廟南門外其告祭之禮與出師同宋
皇帝親征遣官奏告宗廟用酒脯幣帛行一獻禮今擬
國朝親征前期擇日皇帝服武弁乘革輅備六軍祭告
太廟每廟用牲幣行三獻之禮其儀皆同時享見宗廟

篇但凱還則陳俘奏凱於廟南門外

宜于太社

天子親征而宜于太社者謂社主殺戮以求便宜社主
陰萬物於此斷殺焉周制將出征宜于社又奉社主以
行不用命殘於社梁用牲幣宜于社北齊備法駕乘木
輅以宜於社載帝社祔主於車以行戰前一日司空禱
社戰勝則報以太牢不用命者罰于社遂行戮隋徃征
還師並宜社及征高麗築社稷二壇于乾河上帝袞冕

玉輅備法駕行宜社稷禮畢御金輅服通天冠還行宮
唐皇帝親征服武弁乘革輅備六軍宜于太社每壇用
牡犢作樂薦玉幣進熟行一獻禮皇帝已飲福受胙衆
官皆賜胙禮畢皇帝改服還宮如告太廟之儀凱還則
陳俘馘軍實於北門之外其告祭禮與出師同宋皇帝
親征遣官奏告社稷用酒脯幣帛行一獻禮今擬國朝
親征前期擇日皇帝服武弁乘革輅備六軍以牡犢幣
帛作樂行三獻之禮其儀同春秋祭社稷之儀見社稷

篇但凱還則陳俘奏凱于社北門外

禡祭

天子親征而禡祭者謂師祭也為兵禱也其神蓋始為兵者故黃帝蚩尤皆得為禡神也漢高祖為沛公時祠黃帝蚩尤於沛庭北齊親征將屆戰所卜剛日備玄牲列軍容設壇墠而禡祭大司馬奠矢有司奠毛血唐親征以熊席設軒轅黃帝神座置甲冑弓矢於座側建稍於座後皇帝服武弁行初獻大將為亞獻次將為終獻

具牲幣行三獻禮宋太平興國五年太宗親征河東就
北郊用少牢祭蚩尤禡牙真宗咸平四年詔太常禮院
定禡祭儀其制除地為壇設兩壝繞以青繩張幕置軍
牙六纛神位祭用剛日牲用太牢幣軍牙以白六纛以
皂行三獻禮今擬國朝親征於國南羣神祠設旗纛皇
帝服武弁備牲犢幣帛行三獻之禮其儀見於後

輓祭

古者天子出則輓祭周禮曰犯輓遂轅之註謂山行為

輶轅車所踐也犯之者謂於國門外封土為山象以菩

藟

菩音貫又音蒲
香草藟草束也

棘柏為主

三者皆可為
主隨用其一

太僕左執轡

右祭兩轂及軾前即驅駕輶轅而去喻無險難也隋輶

祭禮有司於國門外委土為山象列羊陳器奠幣薦脯

加羊饌埋於坎駕至太僕祭兩軾及軾

軾謂轂軾音
汎軾前也

乃

飲授爵遂輶輶上而行唐親征先於國門外委土於輶

太祝布神座於輶前太官令帥宰人刲羊奠饌祭畢驅

駕輶輶而行今擬國朝不行輶祭

祭所過山川

周制天子出征過大山川則用事註用事者謂令太祝祭告之也北齊親征則所過名山大川以太牢命有司致祭隋所過之地名山大川嶽瀆以太牢山川以少牢皆命有司行禮唐親征執事者先修除告所太官令備牢饌嶽鎮海瀆用太牢中山川用少牢小山川用特牲若行速即用酒脯制幣隨方色亦遣有司行事今擬國朝親征凡所過山川有司具牲制幣皇帝服武弁行一

獻禮其儀見於後

奏凱獻俘

周官大司樂王師大獻則令奏凱樂此奏凱之由也出征執有罪還而釋奠于學以訊馘告此獻俘之由也唐武德四年秦王世民平東都被黃金甲乘戎輅李世勣等二十五將從其後陳鐵騎一萬甲士三萬前後部鼓吹俘王世充竇建德及隋器物輦輅獻于太廟貞觀二十年太宗至自遼東獻俘授馘備法駕具凱還之禮宋

開寶四年擒劉鋹帝御明德門樓有司陳仗衛及諸軍
文武官班百官常服將校戎服以俘先獻廟社然後獻
於樓前以付所司九年正月擒李煜及其子弟偽官四
十五人獻於明德門樓亦因唐制奏凱獻俘於廟社今
擬國朝親征凱還皇帝率諸將以凱樂俘馘陳於廟社
門外伺告祭禮畢以俘馘付刑部協律郎導樂以退其
告祭宗廟社稷行三獻禮儀同于出師見宗廟社稷篇

宣露布

後魏每戰捷欲天下聞知乃書帛建於漆竿之上名為
露布此其始也隋文帝開皇中詔太常卿牛弘撰宣露
布禮及九年平陳兵部奏請依新禮集百官四方客使
等赴廣陽門外朝服序列內史令稱有詔在位者皆再
拜宣露布訖百官三蹈舞又再拜唐平蕩寇賊於東朝
堂集文武客使中書令以露布宣於衆宋宣露布或於
明德樓前或於宣德樓今擬國朝親征凱還皇帝服通
天冠絳紗袍陞午門樓上以露布詔天下百官具朝服

聽詔其儀與開讀詔赦同見朝會篇

論功

周禮戰功曰多凡有功者銘書於王之太常祭於大烝
司勲詔之傳曰反行飲至舍爵策勲禮也漢高祖有天
下論功定封誓曰黃河如帶泰山如礪國以永存爰及
苗裔於是定十八侯之位次以蕭何為第一光武中興
定封功臣詔曰諸將業遠功大誠欲傳於無窮其顯效
未酬名籍未立者大鴻臚趣上朕將差而錄之於是封

高密侯鄧禹等二十八人唐高祖武德元年論太原建義功以秦王世民為首長孫順德劉弘基等次之太宗即位定功臣封戶自裴寂以下差功大小第之總四十人宋定天下賞功臣石守信等有差今擬國朝親征凱還中書省移文大都督府兵部具諸將功勩吏部具勲爵職名禮部戶部具賞格中書集六部論定功賞奏取聖裁至日皇帝服袞冕御奉天殿百官朝服侍宣制大賚詔告天下其儀見于後

諸將受封賞表謝

大將有功而受封賞宜有謝儀秦漢而降禮文不載唐
郭子儀平河東除兼河東節度使裴度平淮西除淮西
宣慰處置等使馬燧破河東加實封七百戶莫不上表
稱謝宋曹彬下江南張俊等中興有功其受封賞亦皆
表謝今錄裴度謝表一通以見其制其表曰臣度言臣
伏奉去七月二十七日制書除臣門下侍郎同中書門
下平章事充淮西節度觀察處置等使蔡州刺史并淮

西宣慰處置等使緣逆賊吳元濟尚拒王師遂於郾城
縣權為理所臣篤勵羣帥潛設多方傾其重兵頓在洄
曲今月十七日唐鄧節度使李勣乘虛直進生致元兇
臣與賈柵三營諸軍使降洄曲二萬餘衆積年逋寇翌
日殄除淮右千里通行無礙臣以二十五日領所部兵
馬及歸順將士至蔡州上訖豹豕舊穴迎風而汎掃鵷
臬故林應節而黃落稽稽者咸觀堯日曙曙者重識漢
儀臣以不才猥當重寄力排苟且之議上贊聖明之心

不敢偷安廟堂遂乞親臨疆場陛下初猶未許微臣亟請是行睿旨丁寧寵光照耀臣中心自誓畢命無憾若不成事必當死綏伏賴神道惡盈罪人斯得而今而後方保餘生就天地削平之功貽策書不朽之美足使懦夫增氣獷俗剝心方偃武以脩文故暫勞而永逸臣謹敷揚帝澤宣布國章滌其瑕疵衣以襦袴俾斯汙俗咸若新邦底寧但以才乏折衝任兼中外摩頂至踵諒無非其渥恩知臣者君庶不辱於玄鑒無任感激欣喜之

至國朝諸將有功既受封賞具表箋稱謝

禡祭儀注

齋戒 皇帝清齋一日大將陪祭官以下皆清齋一日
省牲 前期二日設皇帝大次於廟庭之東皇太子次
於大次之東設皇帝省牲位于南門外前一日導駕官
同太常卿導引車駕詣大次太常卿奏中嚴皇帝服通
天冠絳紗袍太常卿奏外辦導駕官同太常卿導引皇
帝至省牲位執事者各執事廩犧令率其屬牽牲自東

西行過御前省訖牽詣神厨太常卿奏請詣神厨導駕
官同太常卿導引皇帝至神厨太常卿奏請視鼎鑊請
視滌漑逐烹牲導駕官同太常卿導引皇帝還大次

陳設 前一日所司洒掃廟之內外執事設軍牙六纛
神案于廟殿中之北置軍牙神位在東六纛神位在西
設邊十有二于神位之東為三行西上豆十有二于神
位之西為三行東上簋簋各二于籩豆之間簋在東籩
在西鉶三登三于籩豆之前俎三于登鉶之前香案于

俎之前爵站于香案之前沙池于爵站之前設酒尊所
于廟庭之東幣篚位于酒尊之北爵洗位于酒尊之南
御洗位于爵洗之南座坎位于神位之西北設席于坎
位之前上置酒碗五事及斟酒器具雄雞五隻以伺酌
神設御位于廟庭之南正中北向大將及陪祭官位于
御位之南異等重行文東武西皆北向司尊司爵洗司
盥洗執爵司幣執事各于其位設御史位于香案前左
右贊禮位于御史之南東西相向傳贊位于贊禮之南

贊引位于傳贊之南

正祭 祭日清晨建牙旗六纛于神位之後牙旗在東
六纛在西太常少卿率執事者各實尊壘籩豆簠簋登
鉶實幣于篚置于酒尊所置祝版於神位之右齋郎舉
牲俎入陳于案樂工執事官各服其服入就位陪祭官
及諸將官服其服入就位太常卿奏請中嚴皇帝服武
弁服太常卿奏外辦導駕官同太常卿導引皇帝自左
南門入至位北向立

迎神 贊禮唱迎神大樂作贊禮唱請行禮太常卿奏

有司謹具請行事太常卿奏鞠躬拜興拜興平身皇帝

鞠躬

樂作

拜興拜興平身

樂止

贊禮唱在位官皆再拜

傳贊唱鞠躬拜興拜興平身在位官皆鞠躬拜興拜興

平身

奠幣行初獻禮

贊禮唱奠幣行初獻禮太常卿奏請

詣盥洗位導駕官同太常卿導引皇帝至盥洗位太常

卿奏搢圭皇帝搢圭太常卿奏盥洗手司盥洗者酌水皇

帝盥手太常卿奏悅手司巾者以巾進皇帝悅手太常卿奏出圭皇帝出圭太常卿奏請詣爵洗位導駕官同太常卿導引皇帝至爵洗位太常奏搢圭皇帝搢圭執爵官以爵進太常卿奏受爵皇帝受爵司爵洗者酌水太常卿奏滌爵皇帝滌爵司巾者以巾進太常卿奏拭爵皇帝拭爵太常卿奏以爵授執事者皇帝以爵授執爵官執爵官再以爵進太常卿奏受爵皇帝受爵司爵洗者酌水太常卿奏滌爵皇帝滌爵司巾者以巾進太

常卿奏拭爵皇帝拭爵太常卿奏以爵授執事者皇帝
以爵授執爵官太常卿奏出圭皇帝出圭太常奏請詣
酒尊所導駕官同太常卿導引皇帝詣酒尊所執爵官
捧爵從行至酒尊所太常卿奏搢圭皇帝搢圭執爵官
以爵進太常卿奏受爵皇帝受爵司尊者舉罍酌醴齊
太常卿奏以爵授執事者皇帝以爵授執爵官執爵官
復以爵進太常卿奏受爵皇帝受爵司尊者酌醴齊太
常卿奏以爵授執事者皇帝以爵授執爵官太常卿奏

出主皇帝出主太常卿奏請詣軍牙神位前執爵官捧爵司幣者捧幣前行導駕官同太常卿導引皇帝陞廟

壇

樂作

至神位前太常卿奏跪搢主皇帝跪搢主司香

官奉香跪進于皇帝之左太常卿奏上香上香三上香皇帝上香上香三上香司幣者奉幣跪進于皇帝之右皇帝受幣司幣者興還本位太常奏奠幣皇帝奠幣執爵官奉爵跪進于皇帝之右皇帝受爵執爵官興還本位太常卿奏祭酒祭酒三祭酒奠爵皇帝祭酒祭酒三

祭酒奠爵太常卿奏出圭皇帝出圭

樂止

讀祝官取祝

版于神位之右跪讀訖興以祝版復置于坫退還位太

常卿奏俯伏興拜興平身皇帝俯伏興

樂作

拜興

拜興平身

樂止

太常卿奏請詣六纛神位前導駕官同

太常卿導引皇帝詣六纛神位前司幣者捧幣執爵官

捧爵前行至神位前

樂作

其上香奠幣祭酒讀祝並如

軍牙神位前之儀太常卿奏復位導駕官同太常卿導

引皇帝復位

亞獻 贊禮唱行亞獻禮其儀與初獻同但不奠幣讀
祝酒酌齊

終獻 贊禮唱行終獻禮其儀與亞獻同

飲福 贊禮唱飲福受胙執事者酌福酒減神前胙肉
太常卿奏詣飲福位導駕官同太常卿導引皇帝至牙
燾神位前飲福位北向立太常卿奏鞠躬拜興拜興平
身皇帝鞠躬樂作拜興拜興平身樂止太常卿奏跪搢
圭皇帝跪搢圭執事奉福酒跪進于皇帝之右太常卿

奏飲福酒皇帝受爵祭酒少許飲福酒太常卿奏奠爵
皇帝奠爵訖捧胙官奉胙跪進于皇帝之右太常卿奏
受胙皇帝受胙以胙授左右左右跪受胙太常卿奏出
圭皇帝出圭太常卿奏俯伏興拜興拜興平身皇帝俯
伏興樂作拜興拜興平身樂止太常卿奏請復位導駕
官同太常卿導引皇帝復位

徹豆 贊禮唱徹豆樂作掌祭官各徹豆樂止贊禮唱

賜胙太常卿奏皇帝飲福受胙免拜贊禮唱在位陪祭

官皆再拜傳贊唱鞠躬拜興拜興平身在位陪祭官皆
鞠躬拜興拜興平身

送神 贊禮唱送神太常卿奏鞠躬拜興拜興平身皇

帝鞠躬

樂作

拜興拜興

樂止

贊禮唱在位陪祭官皆再

拜傳贊唱鞠躬拜興拜興平身在位陪祭官皆鞠躬拜
興拜興平身

望燎 贊禮唱望燎讀祝官取祝捧幣官取幣掌祭官
取饌詣望燎所太常卿奏詣望燎位導駕官同太常卿

導引皇帝至望燎位贊禮唱可燎東西面各二人以炬
燎執事殺雞刺血於酒碗中酹神訖擲雞於四下燎將
半太常卿奏禮畢導駕官同太常卿導引皇帝還太次
解嚴

論功行賞儀注

前期内使監陳御座香案于奉天殿如常儀尚寶司設
寶案於殿上正中侍儀司設詔書案於寶案之前設誥
命案於丹陛正中之北設皇太子諸王侍立位於殿上

之東北設承制官承制位於殿上之東及宣制位於丹墀誥命案之北吏部尚書戶部尚書禮部尚書位於殿上之東南設大都督府兵部尚書位於殿上之西南應受賞官拜位於丹墀之中異位重行序立位於丹墀之西南受賞位於誥命案之南受賞執事位於受賞官序立位之西

每受賞官用捧誥命捧禮物者各一人

知班二人位于受賞官

拜位之北東西相向贊禮二人位于知班之北東西相向典儀二人位于丹墀上之南東西相向文武官侍立

位于丹墀之北東西相向侍從班起居注給事中殿中
侍御史尚寶卿侍儀司官位于殿上之東懸刀武官位
于殿上之西殿前班指揮司三人位於丹陛之西東向
光祿寺三人位于丹陛上之東西向拱衛司二人位于
殿中門之左右典牧所官二人位于仗馬之前宿衛鎮
撫二人位于丹陛下東西相向護衛千戶二十八人位
于宿衛鎮撫之南稍後東西相向護衛千戶八人位于
奉天殿東西門之左右將軍二人位于殿上簾前之東

西將軍六人位于奉天殿門之左右將軍四人位于丹
陛上之四隅將軍六人位于奉天門之左右俱東西相
向鳴鞭四人位于丹陛之南北向是日擊鼓初嚴金吾
衛列旗幟器仗拱衛司設儀仗車輅典牧司陳仗馬虎
豹內使監擎執樂工陳樂皆如正會之儀禮部陳設詔
書吏部陳設誥命戶部陳設禮物陳設執事各立于案
之左右殿前班糾儀典儀知班贊禮宿衛鎮撫護衛將
軍各入就位舍人催受賞官及侍立文武官各具朝服

擊鼓次嚴侍從班文武官入迎車駕舍人引受賞官齊
班于午門外之南東西相向引文武官齊班于午門之
北東西相向擊鼓三嚴侍儀版奏中嚴御用監官奏請
皇帝于謹身殿服袞冕皇太子諸王于奉天殿門東耳
房具冕服舍人引文武官入就丹墀侍立位引受賞官
入就丹墀序立位侍儀版奏外辦皇帝御輿以出仗動
樂作 侍衛導從如常儀陞御座捲簾鳴鞭 樂止 司辰報
時雞唱訖引進引皇太子諸王自奉天門東門入 樂作

由東陞陞殿東門入至侍立位

樂止

舍人引受賞官入

就拜位知班唱班齊贊禮唱鞠躬

樂作

拜興拜興拜興

拜興平身

樂止

承制官前跪承制由殿中門出中陞降

至宣制位吏部尚書戶部尚書禮部尚書由西門出西

陞降立于誥命禮物案之東承制官南向稱有制贊禮

唱跪受賞官皆跪承制官宣制曰朕嘉某等為國建功

宜加爵賞今授某以某職賜以某物其共承朕命

受賜員數

不拘多少宣畢贊禮唱俯伏興

樂作

拜興拜興平身

樂

載在其中

止贊禮唱行賞舍人引受賞官第一人詣案前贊禮唱
跪搢笏吏部官捧誥命禮部官捧禮物各授受賞官受
賞官受誥命禮物以授左右左右跪受於受賞官之左
興退復位贊禮唱出笏俯伏興復位舍人引受賞官復
位引以次受賞官詣案前皆如常儀承制官吏部尚書
戶部尚書禮部尚書由西陞陞西門入跪上位之西云
承制訖興各復位贊禮唱鞠躬樂作拜興拜興樂止贊
禮唱搢笏鞠躬三舞蹈跪山呼萬歲山呼萬歲再山呼

萬萬歲

樂工齊聲應之

出笏俯伏興

樂作

拜興拜興拜興

平身

樂止

贊禮唱禮畢侍儀跪奏禮畢鳴鞭皇帝興

樂

作警蹕侍從導引至謹身殿

樂止

引進引皇太子諸王

還宮舍人引受賞官及文武官以次出至午門外以誥命禮物置于龍亭用儀仗鼓樂各送還本第

祭所過山川儀注

齋戒 皇帝齋戒一日陪祭官及執事官皆齋戒一日

前期命有司具牢饌

嶽鎮海瀆用太牢中山川用少牢小山川用特牲若行速則用酒脯

而已

省牲 前期設皇帝大次於廟庭之東設皇帝省牲位於廟南門外前一日導駕官同引禮官導引車駕詣太次引禮官奏中嚴皇帝服通天冠絳紗袍引禮官奏外辦導駕官同引禮官導引皇帝至省牲位執事官各執事廩犧令率其屬牽牲自東西行過御前省訖牽詣神厨引禮官奏請詣神厨導駕官同引禮官導引皇帝至神厨引禮官奏請視鼎鑊請視滌漑訖遂烹牲導駕官

同引禮官導引皇帝還大次

陳設 前祭設籩豆各一于神前

籩實鹿脯
豆實鹿醢

設牲饌于

神位之前設香案于牲饌之前設爵坫于香案之前沙
池于爵坫之前設酒尊所于廟庭之東西向爵洗於酒
尊之南御洗于爵洗之南設御位于廟庭之南北向陪
祭官位御位之南異位重行文東武西北向司幣司尊
司爵洗執爵執事各于其位設典儀位于廟庭之南東
西相向傳贊位于典儀之南東西相向

正祭 祭日清晨掌祭官率執事官各實酒饌脯醢於
器實幣於篚置酒尊所置祝版於神位之右陳牲于神
位之前執事官各服其服入就位陪祭官服其服入就
位引禮官奏請中嚴皇帝服武弁引禮官奏外辦導駕
官同引禮官導引皇帝自左南門入至位北向立

迎神

典儀唱迎神

大樂作
樂止

典儀唱行禮引禮官奏有

司謹共請行事奏鞠躬拜興拜興平身皇帝鞠躬

樂作

拜興拜興平身

樂止

典儀唱在位官皆再拜傳贊唱鞠

躬拜興拜興平身在位官皆鞠躬拜興拜興平身

奠幣行酌獻禮 典儀唱奠幣行酌獻禮引禮官奏請

詣盥洗位導駕官同引禮官導引皇帝至盥洗位引禮

官奏搢圭皇帝搢圭引禮官奏盥手司盥洗者酌水皇

帝盥手引禮官奏悅手司巾者以巾進皇帝悅手引禮

官奏出圭皇帝出圭引禮官奏請詣爵洗位導駕官同

太常卿導引皇帝至爵洗位引禮官奏搢圭皇帝搢圭

執爵官以爵進引禮官奏受爵皇帝受爵司爵洗者酌

水引禮官奏滌爵皇帝滌爵司中者進巾引禮官奏拭爵皇帝拭爵引禮官奏以爵授執爵官皇帝以爵受執爵官引禮官奏出主皇帝出主引禮官奏請詣酒尊所導駕官同引禮官導引皇帝詣酒尊所執爵官捧爵從行至酒尊所引禮官奏楷主皇帝楷主執爵官以爵進引禮官奏受爵皇帝受爵司尊者舉罍酌酒引禮官奏以爵授執事者皇帝以爵授執爵官引禮官奏出主皇帝出主引禮官奏請詣神位前執爵官捧爵司幣者捧

幣從行導駕官同引禮官導引皇帝至神位前引禮官
奏跪拑圭皇帝跪拑圭司香官奉香跪進于皇帝之左
引禮官奏上香上香三上香皇帝上香上香三上香司
香官興還本位司幣者以幣跪進于皇帝之右皇帝受
幣司幣者興還本位引禮官奏奠幣皇帝奠幣執爵官
奉爵酒跪進于皇帝之右引禮官奏受爵皇帝受爵執
爵官興還本位引禮官奏祭酒祭酒三祭酒奠爵皇帝
祭酒祭酒三祭酒奠爵引禮官奏出圭皇帝出圭讀祝

官取祝版跪讀于神位之右讀訖以祝版復置于牀與還本位引禮官奏俯伏興拜興拜興平身皇帝俯伏興

樂作

拜興拜興平身

樂止

引禮官奏請復位導駕官同

引禮官導引皇帝復位

飲福 典儀唱飲福受胙執事者酌福酒減神前胙肉

引禮官奏詣飲福位導駕官同引禮官導引皇帝至神

位前北向立引禮官奏鞠躬拜興拜興平身皇帝鞠躬

樂作

拜興拜興平身

樂止

引禮官奏稍前跪搢圭皇帝

稍前跪搢圭執事奉福酒跪進于皇帝之右引禮官奏
飲福酒皇帝受爵祭酒少許飲福酒引禮官奏奠爵皇
帝奠爵訖捧胙官奉胙跪進于皇帝之右引禮官奏受
胙皇帝受胙以胙授左右左右跪受胙引禮官奏出圭
皇帝出圭引禮官奏俯伏興拜興拜興平身皇帝俯伏
興樂作拜興拜興平身樂止引禮官奏請復位導駕官
同引禮官導引皇帝復位

徹豆

典儀唱徹豆

樂作

掌祭官各徹豆

樂止

典儀唱

賜胙引禮官奏皇帝飲福受胙免拜典儀唱陪祭官皆
再拜傳贊唱鞠躬拜興拜興平身陪祭官皆鞠躬拜興
拜興平身

送神 典儀唱送神引禮官奏鞠躬拜興拜興平身皇

帝鞠躬

樂作

拜興拜興平身

樂止


典儀唱陪祭官皆再

拜傳贊唱鞠躬拜興拜興平身

望瘞 典儀唱望瘞讀祝官取祝捧幣官取幣掌祭官

取饌詣瘞所置坎實半土典儀唱可瘞引禮官奏禮畢

導駕官同引禮官導引皇帝還次陪祭官以次出



明集禮卷三十三